

## **Ilinniagaqarnersiutit pillugit Inatsisartut peqqussutaat nr. 5, 14. november 2004-meersoq Atuussimasoq (Historisk)**

Inuussutissarsiutinik ilinniartitsisarnermik Kalaallit Nunaannut inatsimmi nr. 582-imi 29. november 1978-imeersumi § 5 malillugu aalajangersarneqarput makku:

### **Kapitali 1**

#### **Atuuffia**

§ 1. Ilinniartitaanernut Kalaallit Nunaanni ingerlanneqartunut Namminersornerullutik Oqartussat ilinniagaqarnersiuteqartitsisuupput.

Imm. 2. Ilinniartitaanernut Kalaallit Nunaata avataani ingerlanneqartunut ilinniagaqarnersiuteqartitsisoqarsinnaavoq:

1) ilinniartitaaneq Kalaallit Nunaanni suliffissaqartitsisinnaasutut naatsorsuutigineqarsinnaappat, aammalu

2) ilinniartitaaneq tassunga assingusoq Kalaallit Nunaanni ingerlanneqarsinnaanngippat.

Imm. 3. Immikkut illuinnartumik pissutissaqartillugu imm. 2-mi piumasaqaataasut atuutsinneqannginnissaat Naalakkersuisut immikkut akuersissutigisinnaavaat.

Imm. 4. Misileraalluni aaqqissuussinermut ilagitillugu imm. 2, nr. 2-mi piumasaqaataasut Naalakkersuisut saneqqussinnaavaat.

Imm. 5. Misileraaneq pillugu malittarisassat Naalakkersuisut aalajangersarsinnaavaat.

§ 2. Ilinniagaqarnersiutit ilinniagaqartunut ilinniakkamik ilinniagaqarnersiutisiaqaataasinnaasunik ingerlatsisunut tunniunneqartarput.

Imm. 2. Ilinniakkap ilinniagaqarnersiutisiaqaataasinnaanissaanut piumasaqaatit naammassineqartussat Naalakkersuisunit aalajangersarneqassapput.

§ 3. Ilinniagaqarnersiutit akissarsianut aningaasartuutitut tapiissutitut sulisitsisut makkuninnga atorfinitsitsineranni sulisitsisunut tunniunneqartassapput:

1) Inuussutissarsiutinik ilinniartitsinerit aamma inuussutissarsiutinik ilinniartitsinermi pikkorissaanerit pillugit Inatsisartut peqqussutaat tunngavigalugu inuussutissarsiutinik tunngaviumik ilinniartitsinermi ilinniartuusunik (lærlinginik).

2) Lærlinginik sulinermik Kalaallit Nunaanni misiliisunik atuarnerninnullu atatillugu Danmarkimi najugaqartunik.

### **Kapitali 2**

Ilinniagaqarnersiutit suussusii aningaasartaasalu amerlassusii

**§ 4.** Ilinniagaqarnersiutit tunniunneqarsinnaapput tapiissutit (naafferartumik ingerlasut) (stipendium), meeqqanut tapiissutit, immikkut pisartakkatut, Nunatta Karsianit qularnaveeqqusigaasumik taarsigassarsiatut, imaluunniit aningaaserivinni taarsigassarsianut qularnaveeqqutit. Ingerlaqqiffiusumik ilinniagaqartunut ilinniagaqarnersiutit qiortartakkatut periuseq malillugu piffissami aalajangersimasumi killilikkami tunniunneqartassapput.

Imm. 2. Naalackersuisut ilinniagaqartullu kattuffiisa tamanna pillugu sioqqutsisumik isumasioqatigeereernerisigut tapiissutit taarsigassarsiarineqarsinnaasullu amerlassusissaat, ikaarsaariarnermi aaqqissuussinerit aammalu immikkut tunniunneqartarumaartussat aningaasanut inatsimmi aalajangersarneqassapput.

Imm. 3. Naalackersuisut ilinniagaqartut kattuffiinut tamanna pillugu oqaaseqaammik sioqqutsisumik pissarsiniaqqaarlutik ilinniagaqarnersiutit suussusissaat amerlassusissaallu pillugit malittarisassat aalajangersassavaat, matumani taarsigassarsianut akiligassarsianullu qularnaveeqqusiisarneq pillugu malittarisassat ilanngullugit, kiisalu ikaarsaariarnermi aaqqissuussinerit.

**§ 5.** Sulisitsisunut tapiissutit amerlassusissaat, tak. § 3, aningaasanut inatsimmi aalajangersarneqartassapput. Tapiissutit Nunatta Karsianit aamma inuussutissarsiutitigut ilinniagaqarnermut sulisitsisut akiliutaat pillugit Inatsisartut inatsisaat tunngavigalugu inuussutissarsiutitigut ilinniagaqarnermut sulisitsisut akiuliutaasigut aningaasalersorneqassapput. Aningaasalersuineri akileeqaataassutit amerlassusissaat aningaasanik inatsimmi aalajangersarneqartassapput.

Imm. 2. Tapiissuteqartarnermut siunertat, taakkuninnga aqutsineq, tapiissuteqarnissamut piumasaqaatit kiisalu tapiissutit qanoq annertutigisumik tunniunneqartarnissaat pillugit malittarisassat Naalackersuisut aalajangersarsinnaavaat.

### **Kapitali 3**

Ilinniagaqarnersiuteqarnissamut piumasaqaatit paasissutissiisussaataitanerlu

**§ 6.** Ilinniagaqarnersiutisiaqassagaanni danskisut innuttaassuseqarnissaq piumasaqaataavoq.

Imm. 2. Taamaattorli nunani allamiut ilinniagaqarnersiutisiaqarsinnaapput, nunat tamat akornanni isumaqatigiissutit Kalaallit Nunaannut atuuttut tunngavigalugit danskisut innuttaasunut naligititaallutik ilinniagaqarnersiutisiaqarsinnaatitaagunik.

**§ 7.** Kalaallit Nunaanni ilinniartitaanernut ilinniagaqarnersiutisiaqartitsisoqarsinnaavoq iunnut Kalaallit Nunaanni najugaqavissunut.

**§ 8.** Kalaallit Nunaata avataani ilinniartitaanernut ilinniagaqarnersiutisiaqartitsisoqarsinnaavoq iunnut

1) qinnuteqarnermik nalaani Kalaallit Nunaanni najugaqavissunut, qinnuteqarnerlu sioqqullugu sivikinnerpaamik ukiuni tallimani najugaqavissimasunut, imaluunniit

2) Kalaallit Nunaanni sivikinnerpaamik ukiuni qulini najugaqavissimasunut Kalaallillu Nunaata avataani sivisunerpaamik ukiuni pingasuni aalajangersimasumik najugaqarsimasunut.

Imm. 2. Imm. 1 naapertorlugu Kalaallit Nunaata avataani najugaqarnertut naatsorsuutigineqanngillat ukuninnga pissuteqartut:

1) ilinniagaqarneq

2) isumaginnineq aallaavigalugu Kalaallit Nunaanni oqartussaasunit peqataaffigineqartumik najugaarneq.

**§ 9.** Ilinniagaqartut inuuniarnermi aningaasartuutaasa akilerneqarnissaat siunertaralugu pisortanit ikiorsiissutinik allanik ataavartumik pisartagaqartinneqartut tapiissutisinissamut meeqqanullu tapiissutisinissamut mattunneqarsinnaapput.

Imm. 2. Ilinniagaqartut ilinniarnermik nalaani ilinniagaqarnerminnut atatillugu aningaasarsiaqartut imaluunniit ilinniarnerminnut atatillugu inuuniarnermut matusissutissanik allatut aningaasarsiaqartut tapiissutisiaqarsinnaatitaanngillat.

**§ 10.** Ilinniagaqartut ilinniagaqarnersiuteqarsinnaassagunik ilinniagaqarnersiutisiaqarnissamut paasissutissat imminnut tunngasut pingaaruteqartut tamaasa Naalackersuisunut nalunaarutigissavaat, kingusinnerusukkullu pissutsit tamakku allannguuteqassappata Naalackersuisunut ingerlaannaq nalunaarutigissallugit.

**§ 11.** Ilinniagaqartut kattuffii sioqutsisumik oqaaseqaateqartereerlugit ilinniagaqarnersiutisiaqassagaanni piumasaqaatit pillugit malittarisassanik amerlanerusunik Naalackersuisut aalajangersaasinnaapput.

**§ 12** . Pisuni immikkut illuinnartuni § 6, imm. 1-imi, § 7-imi aamma § 8, imm. 1-imi piumasaqaatit atuutsinneqannginnissat Naalackersuisut immikkut akuersissutigisinnaavaat.

#### **Kapitali 4**

Ilinniarnermi taarsigassarsiat Nunatta Karsianit aningaasalersorneqartut ernialersugaanerat

**§ 13.** Ilinniarnermi taarsigassarsiat Nunatta Karsianit aningaasalersorneqartut ilinniagaqarnerup nalaani ernialersorneqassanngillat, taarsigassarsisoq ilinniagaqarnersiutisiaqarnissamut piumasaqaatinik sukkulluunniit aalajangersarneqartunik naammassinnissimatillugu.

Imm. 2. Ilinniagaqarnerup unitsinneqarnerata naammassineqarnerataluunniit kingorna ullormit siullermit aallartittumik pineqartup ilinniagaqarnerminut atatillugu taarsigassarsiaanut sukkulluunniit akiitsorineqartut ernialersorneqalissapput, pisortat sukkulluunniit diskontoat procentimik ataatsimik ilasaq atorlugu. Erniat ukiut tamaasa 31. december imaluunniit ulloq akiitsut akilerneqarfiat killiffigalugu naatsorsuusiorneqartassapput.

Imm. 3. Taarsigassarsisoq Namminersornerullutik Oqartussaniit ilinniagaqarnersiuteqarnissamut pisinnaatitaajunnaarpat ullup taassuma aqaguaniit taarsigassarsiat ernialersorneqalissapput akiitsut annertussusaat aallaavigalugu pisortat sukkulluunniit diskontoat procentimik ataatsimik ilasaq ernialiullugu. Erniat ukiut tamaasa 31. december imaluunniit akiitsut ulloq akilerneqarfiat killiffigalugu naatsorsuusiorneqartassapput.

Imm. 4. Pissutsit immikkut ittut tamanna ajornartinngippassuk imm. 3-p atuutsinneqannginnissaa Naalackersuisut immikkut akuersissutigisinnaavaat.

**§ 14.** Ilinniarnermik unitsitsigallarneq suliamik misiliivissaaleqinermik, ilinnianngiffeqarallarnermik, matumani naartunermi erninermilu ilinnianngiffeqarallarneq napparsimanerillu uppersaaserneqartut ilanngullugit, patsiseqarpat § 13, imm. 2 malillugu unitsitsinertut isigineqassanngilaq.

Imm. 2. Ilinniarnermik unitsitsigallarneq ukioq ataaseq sinnerlugu sivilissuseqarpat, pineqartup ilinniagaqarnermut atatillugu taarsigassarsiaanut sukkulluunniit akiitsut § 13, imm. 2-mi aalajangersagaq malillugu ernialersorneqalissapput, unitsitsinerup ukiumik ataatsimik sivilissuseqalernerata kingorna ullormit siullermit aallartittumik.

**§ 15.** Ilinniagaqartoq ilinniarnernik unitsitsinermi kingorna ilinniarnernik aallartitseqqippat pisinnaatitaaffinilu malillugit Namminersorerullutik Oqartussanit ilinniagaqarnerniuteqalerpat pineqartup ilinniagaqarnermi taarsigassarsianut sukkulluunniit akiitsuisa ernialersorneqarnerat unitsinneqassaaq, ilinniarnerep aallarteqqinneqarnera peqatigalugu atuutilersumik.

Imm. 2. Ilinniagaqartoq ilinniarnerep unitsinnerata naammassinerataluunniit kingorna ilinniarnermik ilinniagaqarnerniuteqarfiusinnaatitaasumik nutaamik aallartitsippat malittarisassallu malillugit Namminersorerullutik Oqartussanit ilinniagaqarnerniuteqalerpat pineqartup ilinniagaqarnermi taarsigassarsianut sukkulluunniit akiitsuisa ernialersorneqarnerat unitsinneqassaaq, ilinniarnerep aallarteqqinneqarnera peqatigalugu atuutilersumik.

Imm. 3. Ilinniarnerep unitsinneqarnerata naammassineqarnerataluunniit aqaguani atuutilersumik pineqartup ilinniagaqarnermi taarsigassarsianut sukkulluunniit akiitsuisa ernialersorneqarnerat § 13, imm. 2-mi periaasissatut taaneqartoq malillugu aallarteqqinneqassaaq.

Imm. 4. Pissutsit immikkut ittut tamanna ajornartinnigippassuk imm. 3-p atuutinnginnissaa Naalackersuisut immikkut akuersissutigisinnaavaat.

**§ 16.** Pissutsit immikkut pisariaqartippassuk Naalackersuisut taarsigassarsisumut allakkatigut nalunaarutigisinnaavaat:

1) tamakkiisumik ilaannakortumilluunniit ernialiisoqassanngitsaq.

2) ernialiuqqareersut tamakkiisumik ilaannakortumilluunniit isumakkeerneqassasut.

Imm. 2. Ilinniagaqarnermi taarsigassarsiat Nunatta Karsianit aningaasalersorneqartut ernialersorneqarnerat pillugu malittarisassanik amerlanerusunik Naalackersuisut aalajangersaasinnaapput.

## **Kapitali 5**

Ilinniagaqarnermi taarsigassarsiat Nunatta Karsianit aningaasalersorneqartut akilersorneqarnerat

**§ 17.** Ilinniagaqarnermi taarsigassarsiat Nunatta Karsianit aningaasalersorneqartut akilersorneqarnerat ilinniarnerep naammassinerata kingorna kingusinnerpaamik ukiup ataatsip qaangiunnerani aallartinneqassaaq. Ilinniarneq unitsinneqarpat akilersuineq unitsitsinermiit kingusinnerpaamik qaammatit pingasut qaangiunneranni aallartinneqassaaq.

Imm. 2. Ilinniarnermik unititsigallarneq suliamik misiliivissaaleqinermik, ilinniannigiffeqarallarnermik, matumani naartunermi erninermilu ilinniannigiffeqarallarneq napparsimanerillu uppersaaserneqartut ilanngullugit, patsiseqarpat § 17, imm. 1 malillugu unitsitsinerut isigineqassanngilaq.

Imm. 3. Unitsitsigallarneq ukioq ataaseq sinnerlugu sivilissuseqarpat taarsigassarsianik akilersuineq Naalackersuisut tamatumunnga piumasaqarnerat malillugu aallartinneqassaaq.

Imm. 4. Ilinniagaqartoq ilinniarnernik ilinniagaqarnerniuteqarfiusinnaatitaasumik nutaamik aallartitsippat imaluunniit ilinniarnernik unitsitarnik aallartitseqqippat

ilinniagaqarnersiuteqarsinnaanermullu piumasaqaatinik eqqortitsippat siornatigut taarsigassarsiaasimasunik akilersuisussaataaneq unitsikkallarnejassaaq. Ilinniarnep naammassineqarnerani unitsinneqarneraniluunniit akilersuisussaataaneq imm. 1-imi aalajangersagaq malillugu atuutileqqissaaq.

**§ 18.** Ilinniarnermi taarsigassarsiat Nunatta Karsianit aningaasalersugaasut erniaallu utertitsilluni akilersuisussaataanerup aallartinneraniit ukiut 15-it qaangiutsinnagit akilernejareersimassapput. Akilersuinerli pissaaq qaammammut ikinnerpaamik 500,00 kr.-nik akiliisarnikkut.

Imm. 2. § 17, imm. 4 tunngavigalugu akilersuisussaataaneq unitsikkallarnejarpat imm. 1-imi piffissap akilersuiffissap sivisunerpaaffissaa piffissap akilersuinerup unitsinneqarfigisimasaata sivisoqataanik sivitsorneqassaaq.

Imm. 3. Piffissap akilersuisussaataaffiusup aallartinninnerani taarsigassarsisoq ilinniarnermi taarsigassarsiat akilersorneqarnissaat pillugu Naalackersuisunut isumaqatigiissuteqassalluni pisussaataavoq.

Imm. 4. Taarsigassarsisoq Naalackersuisunit qinnuigineqaraluarluni ilinniarnermi taarsigassarsiaasimasunik akilersuinissamut piffissaagallartillugu isumaqatigiissuteqarsimanngippat Naalackersuisut killissarititaasut imm. 1-imi taaneqartut iluanni taarsigassarsisumut akilersui-nermik aaqqissuussineq oqinnerpaaq aalajangersassavaat.

Imm. 5. Tamanna pillugu qinnuteqartoqarneratigut akilersuinissamut atugassarititaasunik Naalackersuisut oqilisaasinnaapput imaluunniit akilersuinissamik kinguartitsisinnaallutik, taarsigassarsisoq suliffissaaleqineq, napparsimaneq, ernineq imaluunniit pissutsit allat immikkut ittut pissutigalugit utertitsilluni akilersuinissamut aaqqissuussinermik malinnissinnaanngippat. Taamaattorli imm. 1 tunngavigalugu sivisunerpaamik ukiuni 15-imi akilersuisussaataaneq saneqqunneqarsinnaanngilaq.

**§ 19.** Taarsigassarsisoq akilersuinissamik isumaqatigiissutaasumik imaluunniit akilersuinissamik aalajangersakkamik malinnissinnaanngippat piumaffiginnereerlutik akiitsut ernialinneqarsimasut ilanngullugit annaasassaajunnaarlugit ingerlaannartumik Naalackersuisut akileqqusinnaavaat.

**§ 20.** Ilinniarnermi taarsigassarsianik Nunatta Karsianit aningaasalersugaasunik akilersuisarneq pillugu malittarisassanik amerlanerusunik Naalackersuisut aalajangersaasinnaapput.

## **Kapitali 6**

Ilinniagaqarnersiutinik tigusassarinagit tigusanik ernialersuineq utertitsillunilu akiliineq

**§ 21.** Ilinniagaqartoq pissutsit § 10-mi taaneqartut pillugit eqqunngitsunik amigartunilluunniit paasissutissiippat, imaluunniit pissutsit allannguutaasut piaaraluni nalunaarutiginnippagit, imaluunniit ilinniagaqarnersiutinik peqquserlulluni tigusaqartarsimappat ilinniagaqarnersiutit tigusassarinagit tigureqarsimasut ernialerlugit akilernejareersimassat Naalackersuisut piumasaqaatigissavaat.

Imm. 2. Ilinniagaqarnersiutit tigusisup eqqunngitsunik amigartunilluunniit paasissutissiinerup kingunerisaanik tigusimasai piffissamit tigusiffiusumit aallartittumik ernialersorneqassapput.

Imm. 3. Ilinniagaqarnersiutit tigusisup peqquserlulluni tigusimasai piffissamit tigusisup piffissaaq

ilinniagaqarnersiutit peqquserluttumik tigullugit ilisimaarinnilerfigisimasaatut naatsorsuutigineqartoq aallarnferfigalugu ernialersorneqassapput.

Imm. 4. Imm. 2 aamma imm. 3 malillugit ilinniagaqarnersiutisiaqarsinnaanani ilinniagaqarnersiutit tiguneqartut ukiumoortumik ernialersorneqassapput pisortat sukkulluunniit diskontoat 6 procentimik ilallugu. Akiitsut sukkulluunniit annertussusaat aallaavigalugu ernialersorneqassapput. Erniat ukiut tamaasa 31. december imaluunniit ulloq akiitsut akilerneqarfiat killiffigalugu naatsorsuusiorneqartassapput.

**§ 22.** Ilinniagaqarnersiutit tigusisumit tigusussaanagit peqquserlunnani tiguneqarsimasut ingerlaannartumillu tigusisumik akilerneqarsinnaanngitsut ilinniarnermi taarsigassarsiannngortillugit Naalackersuisunit allanngortinneqassapput. Ilinniagaqarnersiutinik tigusisumit tigusussaanagit peqquserlunnani tiguneqarsimasunik ernialersuineq akilersuinerlu ilinniarnermi taarsigassarsiat pillugit malittarisassat peqqussutip matuma kapitaliini 4-mi aamma 5-imi allassimasut malillugit pisassaaq.

**§ 23.** Ilinniagaqarnersiutit tigusassarinagit tiguneqartut ernialersorneqarnissaat akilersorneqarnissaallu pillugit malittarisassanik amerlanerusunik Naalackersuisut aalajangersaasinnaapput.

## **Kapitali 7**

### **Ilinniagaqarnersiutinit ilanngaassisarneq**

**§ 24.** Ilinniagaqarnersiutinit Naalackersuisut ilanngaatigisinnaavaat makku:

- 1) Ilinniartut ineqarfiini ineqarfinnilu allani Namminersorerullutik Oqartussanit kommuninilluunniit pigineqartuni ingerlanneqartuniluunniit nerisaqarnermut ineqarnermullu akiliutit.
- 2) Ilinniartut ineqarfiini ineqarfinnilu allani Namminersorerullutik Oqartussanit kommuninilluunniit akilersorneqartuni nerisaqarnermut ineqarnermullu akiliutit.
- 3) Ilinniagaqartut kattuffimminnut ilaasortaanerminnut akiliutaat.

Imm. 2. Ilinniagaqartup isumaqatigiissut malillugu imm. 1, nr. 1 aamma 2 tunngavigalugit ineqarnermut nerisaqarnermullu akiliutissai piffissamut isumaqatigiissutaasimasumut ilanngaatigineqarsinnaapput.

Imm. 3. Ilinniagaqartoq kattuffimminut ilaasortaaajunnaarpat ilinniagaqartut kattuffiisa tamanna ingerlaannartumik allakkatigut Naalackersuisunut nalunaarutigissavaat.

**§ 25.** Ilinniagaqartup ilinniagaqarnersiutitigut pisassarisai akiligassanut allanut matussutissatut arsaarinnissutigineqarsinnaanngillat allatigulluunniit eqqartuussivikkoortumik malersorneqaatinut atorneqarsinnaanatik.

Imm. 2. Ilinniagaqartup nammineq piumassutsiminik allamut akiligassaminik ilinniagaqarnersiutiminik ilanngaatitsittarluni akilersuinissaminik isumaqatigiissutigisimasinnaasaa Naalackersuisut kisiat malittussaavaat, ilanngaatigineqartartussat qaammammut 500,00 kr.-t sinnersimangippagit.

**§ 26.** Ilinniagaqartup ilinniagaqarnersiutitigut pisassarisaanit ilinniagaqarnersiutit amerlanaarlugit tunniunneqarsimasut ilinniagaqartup peqquserluuteqarluni tigusimasai Naalackersuisut

ilanngaatigisinnaavaat.

## Kapitali 8

### Aqutsineq naammagittaalliuuteqartarnerlu

§ 27. Ilinniagaqarnersiutit pillugit malittarisassat Naalakkersuisunit aqunneqarput, taamaattorli tak. imm. 2 aamma 3.

Imm. 2. Ilinniagaqarnersiutit pillugit malittarisassat aqunneqarnerat Namminersornerullutik Oqartussat ataanni oqartussaasunut allanut tamakkiisumik ilaannakortumilluunniit Naalakkersuisut tunniussinnaavaat.

Imm. 3. Ilinniagaqarnersiutit pillugit malittarisassanik aqutsineq allakkatigut isumaqatigiissuteqarnikkut suliffeqarfimmut namminersortumut Naalakkersuisut tunniussinnaavaat.

Imm. 4. Ilinniagaqarnersiutit pillugit malittarisassat aqunneqarnerat pillugu malittarisassat erseqqinnerusut Naalakkersuisut aalajangersarsinnaavaat.

Imm. 5. Ilinniagaqarnersiutit ilinniagaqarnersiutisisartup Kalaallit Nunaanni Danmarkimiluunniit aningaaserivimmi kontoanut nakkartinneqartassapput.

§ 28. Oqartussaasut, suliffeqarfiit suliffeqarfiillu namminersortut § 27, imm. 1-3-mi taaneqartut

- 1) ilinniagaqartoq pillugu paasissutissanik ilinniagaqarnersiutit pillugit malittarisassat aqunneqarnerannut pisariaqartunik pisortani oqartussaasunit, suliffeqarfinit suliffeqarfinnillu namminersortunit pissarsiniarsinnaapput,
- 2) ilinniagaqartoq pillugu paasissutissanik ilinniagaqarnersiutit pillugit malittarisassat aqunneqarnerannut pisariaqartunik paarlaateqatigiillutik ingerlatitseqqissinnaapput, paasissutissallu taamaattut imminnut atugassanngorteqatigiissinnaallugit,
- 3) Kalaallit Nunaanni nunaniluunniit avannarlerni innuttaasunut Namminersornerullutik Oqartussanit ilinniagaqarnersiutisiaqartitsineq pillugu paasissutissanik inuit pineqartut taakku piffissami taannaasumi Kalaallit Nunaannit aamma nunat avannarliit ilaannit ataatsimit ilinniagaqarnersiutininik ataatsikkut tiguisinnaatitaanatik tiguisannginnissaannik nakkutilliinermi pisariaqartunik nunani avannarlerni ilinniagaqarnersiutininik aqutsisoqarfinnut ingerlatitseqqissinnaapput, aamma
- 4) ilinniagaqartut aqqi najugaallu pillugit paasissutissanik ilinniagaqartunik ilinniarnep naammassineqarnerani Kalaallit Nunaanni sulisussarsiniarnermi atorneqartussanik aamma ilinniarnep nalaani sulinermik misiliiffissat ilinniarnep nalaani suliffissat pilersinniarnep-qarneranni atugassanik Kalaallit Nunaanni pisortani oqartussaasunut suliffeqarfinnillu namminersortunut ingerlatitseqqissinnaapput. Tamanna aatsaat pisinnaavoq ilinniagaqartoq akuersisseqqaarlugu.

Imm. 2. Imm. 1 tunngavigalugu paasissutissanik pissarsiniartarnek ingerlatitseqqittarnerlu pillugit malittarisassat erseqqinnerusut Naalakkersuisut aalajangersarsinnaavaat, matumani paasissutissat qarasaasiakkoortumik pissarsiariniaqquneqarsinnaanerak ingerlateqqeqquneqarsinnaanerallu ilanngullugit.

§ 29. Akiligassat akilernerqartussanngorsimasut akileqqullugit nukingisaarutinik nassiussinermut atatillugu nukingisaarinerlut akiliutinik Naalakkersuisut akiliisitsisinnaapput.

Imm. 2. Akiliutissap annertussusaa Aningaasanut Inatsimmi aalajangerneqassaaq.

Imm. 3. Nukingisaarutinik nassiussinerni pingasoriaannarluni nukingisaarinnermut akiliuteqartitsisoqarsinnaavoq.

§ 30. Ilinniagaqarnersiuteqalersinnaanermik aalajangiinerit ullup aalajangiiffiup kingorna sapaatit akunneri arfinillit qaangiutsinnagit allakkatigut Naalakkersuisunut naammagittaalliutigineqarsinnaapput.

Imm. 2. Piffissarititaasoq imm. 1-imi taaneqartoq Naalakkersuisut malinngitsoorsinnaavaat.  
Imm. 3. Naammagittaalliornissamut periarfissaq pillugu malittarisassat Naalakkersuisut aalajangersarsinnaavaat, matumani naammagittaalliuit pillugit suleriaaseq ilanngullugu.

## Kapitali 9

Atortuulersitsineq, atorunnaarsitsineq ikaarsaariarnerlu pillugit aalajangersakkat

§ 31. Peqqussut manna 1. august 2005-imi atuutilerpoq, ilinniagaqarnersiutinullu ullormit tassanga tunniunneqartartussanut sunniuteqarluni, taamaattorli tak. imm. 2.

Imm. 2. § 30 1. januar 2005-imi atuutilerpoq.

§ 32. Ilinniagaqarnersiutit pillugit Inatsisartut peqqussutaat nr. 3, 2. maj 1996-imeersoq 1. august 2005 aallarnerfigalugu atorunnaarsinneqarpoq, taamaattorli Inatsisartut peqqussutaanni nr. 3, 2. maj 1996-imeersumi § 26 1. januar 2005 aallarnerfigalugu atorunnaarsinneqarpoq.

Imm. 2. Naammagittaalliuit 1. januar 2005 sioqqullugu Ilinniagaqarnersiuteqartitsinermi Naammagittaalliuteqartarfimmuut tunniunneqarsimasut Naammagittaalliuteqartarfiup inaarlugit suliarissavai Inatsisartut peqqussutaat nr. 3, 2. maj 1996-imeersumi aalajangersarneqarsimasut tunngavigalugit.

§ 33. Aqutsinikkut aalajangersakkat Inatsisartut peqqussutaat nr. 3, 2. maj 1996-imeersoq tunngavigalugu aalajangersarneqarsimasut peqqussummut matumunnga assortuuttuunngikkunik atuutiinnassapput, allanngortinneqarnissamik imaluunniit aalajangersakkanit peqqussut manna naapertorlugu aalajangersarneqarsimasunit atorunnaarsinneqarnissamik tungaanut.

§ 34. § 8 ilinniagaqartunut 1. januar 1994 sioqqullugu ilinniartussatut tiguneqarsimasunut atuutinngilaq.

§ 35. Ilinniagaqarnermi taarsigassarsiat naalagaaffimmit aamma Nunatta Karsianit aningaasalersugaasut 1. august 2005 sioqqullugu tunniunneqarsimasut tamanna pillugu malittarisassat malillugit ernialersorneqassapput.

§ 36. Ilinniagaqarnersiutit tigusassarinagit 1. august 2005 sioqqullugu tiguneqarsimasut taamanikkut malittarisassat atuuttut malillugit ernialersorneqassapput. Ilinniagaqarnersiutit tamatuma kingornatigut tigusassarinagit tiguneqarsimasut § 21-mi aamma § 22-mi malittarisassat malillugit ernialersorneqalissapput.

§ 37. Taarsigassarsiat 1. august 2005-imi akilerneqarnissaannut aalajangiiffigineqareersimasunut imaluunniit isumaqatigiissusiorfigineqareersimasunut § 18, imm. 1 aamma § 18, imm. 5 sunniuteqanngillat.



*Namminersornerullutik Oqartussat, 14. november 2004*

Hans Enoksen

/

Henriette Rasmussen